

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱԿԱՆ ԴԱՏԱՐԱՆ

ք.Երևան, Գ. Նժդեհի 23, հեռ. +(37410) 44-71-13/216/

Գործ N ՎԳ-10973/05/13  
ԴԴ-9-Ե- 111407

29.11.2013թ.

«Հելսինկյան քաղաքացիական ասամբլեայի  
Վանաձորի գրասենյակ» ՀԿ-ին  
ՀՀ Լոռու մարզ, ք. Վանաձոր, Տ. Մեծի 59

Սույն գրությամբ ուղարկվում է «Հայցադիմումի ընդունումը մերժելու մասին» ՀՀ վարչական  
դատարանի 2013 թվականի նոյեմբերի 27-ի որոշումը:

Առդիր՝ որոշումը 4 օրերից, հայցադիմումի պատճենը՝ կից փաստաթղթերով 28 էջից:

Դատավոր

Կարեն Ավետիսյան



ՎԴ-10973/05/13  
2013թ.

**Հ Ա Յ Ա Ս Տ Ա Ն Ի Հ Ա Ն Բ Ա Պ Ե Տ Ո Ւ Թ Յ Ա Ն  
Վ Ա Բ Չ Ա Կ Ա Ն Դ Ա Տ Ա Բ Ա Ն**

**Ո Բ Ո Շ Ո Ւ Մ**

**ՀԱՅՅԱԳԻՄՈՒՄԻ ԸՆԴՈՆՈՒՄԸ ՍԵՐԺԵԼՈՒ ՍԱՍԻՆ**

27.11.2013թ.

ք. Երևան

Հայաստանի Հանրապետության վարչական դատարանը՝ նախագահությամբ դատավոր Կարեն Ավետիսյանի, քննարկելով «Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպության հայցադիմումը վարույթ ընդունելու հարցը,

**Պ Ա Բ Ձ Ե Ց**

«Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպությունը հայցադիմում է ներկայացրել Հայաստանի Հանրապետության վարչական դատարան ընդդեմ Հայաստանի Հանրապետության Նախագահի՝ պահանջելով. «Ճանաչել ոչ իրավաչափ ՀՀ նախագահ Սերժ Սարգսյանի 2013թ. սեպտեմբերի 3-ի Մաքսային միությանը միանալուն ուղղված գործողությունները (անգործությունը)»:

Ուսումնասիրելով հայցադիմումը և կից փաստաթղթերը՝ դատարանը գտնում է, որ հայցադիմումի ընդունումը պետք է մերժել, հետևյալ պատճառաբանությամբ.

Սույն դեպքում հայցվորը հայցադիմումով, ըստ էության, նշում է, որ 2010 թվականից ի վեր Հայաստանի Հանրապետությունը պաշտոնապես որդեգրել է Եվրոպական Միության արևելյան գործընկերության շրջանակներում ասոցացման պայմանագրի ստորագրմանն ուղղված արտաքին քաղաքականություն, սակայն 2013 թվականի սեպտեմբերի 03-ին Հայաստանի Հանրապետության Նախագահն անսպասելորեն արել է հայտարարություն Մաքսային Միությանը միանալու վերաբերյալ:

Հայցվորը, մասնավորապես, գտնում է, որ Հայաստանի Հանրապետության Նախագահի տվյալ գործողությունները զուրկ են եղել հրապարակականությունից և բախանցիկությունից, որպիսի պարագայում խախտվել է Հայաստանի Հանրապետության Սահմանադրության 1-ին հոդվածով ամրագրված սկզբունքը:

Նկատի ունենալով, որ սույն դեպքում վիճարկվում է արտաքին քաղաքականության բնագավառում Հայաստանի Հանրապետության Նախագահի կողմից իրականացված գործունեությունը՝ դատարանի համոզմամբ նախ անհրաժեշտ է բացահայտել Հայաստանի Հանրապետության միջազգային հարաբերություններում Հանրապետության Նախագահի դերը և լիազորությունները:



Այսպես, Հայաստանի Հանրապետության Սահմանադրության 55-րդ հոդվածի 7-րդ կետն ամրագրում է Հանրապետության Նախագահի ներկայացուցչական գործառույթը՝ լիազորվով վերջինիս ներկայացնել Հայաստանի Հանրապետությունը միջազգային հարաբերություններում, իրականացնել արտաքին քաղաքականության ընդհանուր դեկլարումը, կնքել միջազգային պայմանագրեր, Ազգային ժողովի վավերացմանը ներկայացնել միջազգային պայմանագրեր և ստորագրել դրանց վավերագրերը, հաստատել, կասեցնել կամ չեղյալ հայտարարել վավերացում չպահանջող միջազգային պայմանագրերը: Նշված լիազորությունները պայմանավորված են պետության գլխի առանձնահատուկ սահմանադրաիրավական կարգավիճակով և Հանրապետության Նախագահին օժտում են միջազգային հարաբերություններում պետության մարմնավորման կարևորագույն գործառույթով, որը հնարավորություն է ընձեռում Հայաստանի Հանրապետությանը միջազգային հանրության առջև հանդես գալ որպես միջազգային իրավունքի մեկ միասնական սուբյեկտ: Միջազգային հարաբերություններում պետության ներկայացուցչության լիազորությունը թույլ է տալիս Հանրապետության Նախագահին՝ որպես Հայաստանի Հանրապետության անունից հանդես եկող ինքնիշխան կարգավիճակով և համապատասխան առանձնաշնորհով օժտված պաշտոնատար անձի, Հայաստանի Հանրապետությանը ներկայացնել միջազգային հարթության վրա ի պաշտոնե՝ առանց լիազորությունների հատուկ հաստատման:


Հանրապետության Նախագահի նշված գործառույթն ամբողջականացվում և լրացվում է պետության արտաքին քաղաքականության ընդհանուր դեկլարման լիազորությամբ, որը շնորհում է նրան արտաքին քաղաքականության մշակման բարձրագույն մարմնի հատուկ կարգավիճակ: Դա ենթադրում է ինչպես Հայաստանի Հանրապետության արտաքին քաղաքականության բնագավառում գործող պետական մարմինների գործունեության ընդհանուր վերահսկողության իրականացում, այնպես էլ՝ անմիջական լիազորությունների գործադրում: Վերջինը դրսևորվում է Հայաստանի Հանրապետության արտաքին քաղաքական ուղեգծի նպատակների և խնդիրների որոշման, այդ նպատակների և խնդիրների անմիջական իրագործման, ինչպես նաև արտաքին քաղաքականության իրականացման իրավասությամբ օժտված գործադիր իշխանության մարմինների լիազորությունների սահմանման և նրանց գործունեության անմիջական դեկլարման և վերահսկման իրավասության առկայությամբ:

Միջազգային հարաբերություններում ներկայացուցչական և պետության արտաքին քաղաքականության դեկլարման լիազորությունների հաջորդական շարունակականությունն ապահովում է միջազգային պայմանագրեր կնքելու Հանրապետության Նախագահի իրավունքը, որը ենթադրում է նաև նման պայմանագրերի շուրջ բանակցություններ վարելու Նախագահի լրացուցիչ հնարավորությունը: Այն բխում է պետության գլխի իրավական առանձնաշնորհից և հանդիսանում է նրա սահմանադրական և միջազգային իրավական կարգավիճակի էական տարրերից մեկը: Առանց հատուկ լիազորությունների՝ բանակցություններին մասնակցելու և միջազգային պայմանագրեր կնքելու պետության գլխի իրավունքը ճանաչված է թե՛ միջազգային իրավունքի սովորութային նորմերով, թե՛ այդ ոլորտի ամենահեղինակավոր փաստաթղթերով, մասնավորապես, Միջազգային պայմանագրերի իրավունքի մասին 1969 թվականի Վիեննայի կոնվենցիայով (7-րդ հոդվածի 2-րդ մաս), «Միջազգային պայմանագրերի մասին» ՀՀ օրենքով (16-րդ հոդվածի 1-ին մաս):

Փաստորեն, միջազգային պայմանագիր կնքելու և դրա շուրջ բանակցություններ վարելու Հանրապետության Նախագահի հնարավորությունը հանդիսանում է վերջինիս բացառիկ լիազորությունը, որը բխում է նրա՝ որպես պետության գլխի, հատուկ կարգավիճակից և ապահովում է պետության արտաքին քաղաքականության մշակման և դեկլարման գործառույթի արդյունավետ իրականացումը:

Միաժամանակ, իշխանությունների տարանջատման և համասարակշռման համատեքստում միջազգային պայմանագրեր կնքելու Հանրապետության Նախագահի լիազորությունը ենթարկվում է զսպման և հակակշռման ինչպես օրենսդիր, այնպես էլ՝ դատական իշխանության կողմից:

Այսպես, Հայաստանի Հանրապետության Սահմանադրության 55-րդ հոդվածի նույն 7-րդ մասը նախատեսում է միջազգային պայմանագրերն Ազգային ժողովի վավերացմանը ներկայացնելու Նախագահի լիազորությունը, որն իր բնույթով նաև պարտավորություն է: Այն մասնավորեցված է «Միջազգային պայմանագրերի մասին» ՀՀ օրենքի 22-24-րդ



հողվածներում, որոնք վավերացման ենթակա որոշակի պայմանագրերը Հայաստանի Հանրապետության համար պարտադիր ուժ ստանալու համար նախատեսում են Ազգային ժողովի կողմից վավերացում: Ընդ որում, օրենսդիրը պարտադիր վավերացման ենթակա է որակում այնպիսի հիմնարար հարցերի առնչությամբ միջազգային պայմանագրերը, որոնք վերաբերում են մարդու իրավունքներին, ազատություններին և պարտականություններին, Հայաստանի Հանրապետության համար ֆինանսական պարտավորությունների ստանձնմանը, որի կիրառումը նախատեսում է օրենքների փոփոխություն կամ նոր օրենքի ընդունում կամ սահմանում է օրենքներին հակասող նորմեր և այլն: Այսինքն, Հանրապետության համար առանցքային հարցերի շուրջ միջազգային պայմանագրերի կնքման Նախագահի լիազորությունը ենթարկվում է օրենսդիր մարմնի յուրատեսակ հակակշռմանը:

Մյուս կողմից, Հայաստանի Հանրապետության Սահմանադրության 100-րդ հոդվածի 2-րդ կետին և «Միջազգային պայմանագրերի մասին» ՀՀ օրենքի 27-րդ հոդվածի 1-ին մասին համապատասխան Ազգային ժողովի վավերացմանը ենթակա միջազգային պայմանագրերը նախապես ներկայացվում են ՀՀ սահմանադրական դատարան, որը որոշում է նրանում ամրագրված պարտավորությունների համապատասխանությունը Հայաստանի Հանրապետության Սահմանադրությանը: Նշվածն, իր հերթին, հանդես է գալիս որպես դատական իշխանության կողմից Հանրապետության Նախագահի՝ միջազգային պայմանագիր կնքելու լիազորության նկատմամբ զսպման և հակակշռման կառուցակարգ:

Վերոգրյալից հետևում է, որ միջազգային պայմանագրեր կնքելու և դրանց շուրջ բանակցություններ վարելու Հանրապետության Նախագահի լիազորությունը բնորոշ է պետության գլխի ներկայացուցչական դերին և հանդիսանում է նրա հատուկ լիազորությունը: Նշվածով հանդերձ, այն ամբողջությամբ համահունչ է իշխանությունների տարանջատման սկզբունքին, քանի որ ենթարկվում է փոխզսպումների և հակակշռների համակարգին՝ դառնալով օրենսդիր և դատական իշխանության յուրահատուկ վերահսկողության առարկա:

Նման պայմաններում պարզ է դառնում, որ Հանրապետության Նախագահի նշված լիազորությունների իրականացման ընթացքում ձեռնարկված գործողությունները դուրս են վարչադատական վերահսկողության շրջանակներից, քանի որ դրանք, ինչպես նշվեց վերը, դատական վերահսկողության են ենթարկվում հատուկ ընթացակարգով՝ սահմանադրական արդարադատության սահմաններում: Ընդ որում, հարկ է նկատել, որ վարչական արդարադատությունը (ի տարբերություն սահմանադրական արդարադատության) օժտված է բացառապես կոնկրետ վերահսկողության լիազորությունով և չի իրականացնում վերացական վերահսկողության գործառույթ: Այսինքն, որևէ պետական մարմնի կամ պաշտոնատար անձի գործունեությունը կարող է ենթարկվել վարչադատական վերահսկողության միայն այն պարագայում, եթե այն միջամտում է մարդու սուբյեկտի վ իրավունքներին և ազատություններին: Նշված հայեցակարգը բխում է Հայաստանի Հանրապետության Սահմանադրության 18-19-րդ հոդվածներին համահունչ ընդունված Հայաստանի Հանրապետության վարչական դատավարության օրենսգրքի 3-րդ հոդվածից: Իսկ Հանրապետության Նախագահի՝ միջազգային պայմանագրեր կնքելու լիազորությունը ոչ թե կրում է մարդկանց հանրային սուբյեկտիվ իրավունքների կոնկրետ կարգավորմանն ուղղված վարչական բնույթ, այլ հանդիսանում է պետության արտաքին քաղաքականության մշակման և ղեկավարման վերացական գործառույթ:

Այսպիսով, միջազգային պայմանագրեր կնքելու և դրանց շուրջ բանակցություններ վարելու Հանրապետության Նախագահի լիազորության իրագործման միջոցով պետության արտաքին քաղաքականության ղեկավարման գործառույթը և դրանից բխող առանձին գործողությունները ենթակա չեն վարչադատական վերահսկողության, դրանք ենթարկվում են զսպման և հակակշռման ուրույն կառուցակարգերով:

Ամբողջ վերը նշված վերլուծության և եզրահագման հիման վրա դատարանը փաստում է, որ ներկայացված հայցը, որով վիճարկվում են Հայաստանի Հանրապետության Նախագահի գործողությունները, ենթակա չէ դատարանում քննության: Հետևապես դատարանը գտնում է, որ հայցադիմումի ընդունումը պետք է մերժել, քանի որ Հայաստանի Հանրապետության վարչական դատավարության օրենսգրքի 79-րդ հոդվածի 1-ին մասի 1-ին կետի համաձայն՝ վարչական դատարանը մերժում է հայցադիմումի ընդունումը, եթե հայցը ենթակա չէ վարչական դատարանում քննության:



Վերոգրյալի հիման վրա և ղեկավարվելով Հայաստանի Հանրապետության վարչական դատավարության օրենսգրքի 79-րդ, 117.2-րդ, 125-րդ հոդվածներով՝ դատարանը

### Ո Ր Ո Շ Ե Ց

Հայաստանի Հանրապետության Նախագահի գործողությունները ոչ իրավաչափ ճանաչելու պահանջի մասին «Հելսինկյան Քաղաքացիական Ասամբլեայի Վանաձորի գրասենյակ» հասարակական կազմակերպության հայցադիմումի ընդունումը մերժել:

Սույն որոշումն ուժի մեջ է մտնում ընդունման պահից և կարող է բողոքարկվել վերաքննության կարգով ՀՀ վերաքննիչ վարչական դատարան՝ այն ստանալուց հետո տասնհինգօրյա ժամկետում:

ԴԱՏԱՎՈՐ



ԿԱՐԵՆ ԱՎԵՏԻՍՅԱՆ